



pravosudna mreža
BOSNE I HERCEGOVINE
правосудна мрежа
БОСНЕ И ХЕРЦЕГОВИНЕ
justice network
OF BOSNIA AND HERZEGOVINA



forum građana tuzle



Helsinški odbor za ljudska prava
u Republici Srpskoj

NEWSLETTER BILTEN

Pokretanje Pravosudne mreže BiH inicirali su Forum građana Tuzle i Helsinški odbor za ljudska prava u RS, kao dio aktivnosti Projekta održivosti civilnog društva (CSSP). Osnovna svrha Mreže je doprinos nezavisnosti, efikasnosti, nepristrasnosti i samostalnosti bh. pravosuđa.

| Broj 19. |

NOVOSTI

Održan sastanak rukovodilaca tužilaštava i policijskih agencija na strateškom nivou

U službenim prostorijama Državne agencije za istrage i zaštitu (SIPA) danas je održan treći sastanak Strateškog foruma za saradnju rukovodilaca tužilaštava i policijskih agencija u BiH. Sastanak je iniciralo Visoko sudsko i tužilačko vijeće BiH (VSTV BiH) kao dio aktivnosti koje provodi u okviru projekta „Jačanje tužilačkih kapaciteta u sistemu krivičnog pravosuđa“, uz finansijsku podršku Vlade Švicarske i Vlade Kraljevine Norveške.

Na sastanku je razgovarano o jačanju koordinacije i saradnje između policije i tužilaca prilikom provođenja istraga i prikupljanja dokaza, s posebnim akcentom na postupanje i međusobnu koordinaciju prilikom provođenja posebnih istražnih radnji. Predstavljen je Nacrt Uputstva o postupanju tužilaca i ovlaštenih službenih osoba u primjeni posebnih istražnih radnji, koji su izradili domaći stručnjaci (predstavnici tužilaštava i policijskih agencija), te je razgovarano o ranije iznesenim sugestijama na nacrt navedenog dokumenta i o načinu njegovog usvajanja.

Učesnici sastanka razgovarali su i o KTN predmetima u tužilaštvima, odnosno predmetima u kojima je podnesen izvještaj o postojanju osnova sumnje o počinjenom krivičnom djelu protiv nepoznatog počinioca, s ciljem iznalaženja načina za unapređenje efikasnosti rada u ovakvim predmetima, odnosno efikasnijeg otkrivanja počilaca i rasvjetljavanja krivičnih djela.

Sastanku su prisustvovali zamjenica glavnog tužioca Tužilaštva BiH, glavni tužilac Federalnog tužilaštva FBiH, glavni tužilac Republičkog tužilaštva RS, glavni tužilac Specijalnog tužilaštva RS, glavni tužilac Tužilaštva Brčko distrikta BiH. U ime policijskih organa sastanku su prisustvovali zamjenik direktora SIPA-e, zamjenik direktora Policije MUP-a RS, direktor Federalne uprave policije i šef Policije Brčko distrikta BiH, te predstavnici VSTV BiH.



CENTRI CIVILNIH INICIJATIVA
ЦЕНТРИ ЦИВИЛНИХ ИНИЦИЈАТИВА



Centar za promociju civilnog društva



USAID
FROM THE AMERICAN PEOPLE



Britanska Ambasada
Sarajevo

Zajedno sa sudovima, VSTV BiH je uspješno završio implementaciju Projekta unapređenja efikasnosti pravosuđa

Visoko sudsko i tužilačko vijeće Bosne i Hercegovine (VSTV BiH) je zajedno sa sudovima uspješno završilo implementaciju Projekta unapređenja efikasnosti pravosuđa (Projekat). Putem Projekta postignut je značajan napredak u radu sudova. Smanjen je broj najstarijih predmeta. Izrađeni su prijedlozi zakonodavnih izmjena. Prvi put je kroz implementaciju SOKOP-Sistema za elektronsku obradu podataka omogućeno efikasnije rješavanje tzv. komunalnih predmeta do faze izvršenja. Rekonstruisani su i opremljeni sudovi te je poboljšana percepcija javnosti o pravosuđu.

Glavne aktivnosti i postignuti rezultati dostupni su u brošuri koja se može preuzeti na web portalu www.pravosudje.ba i web stranici VSTV-a BiH www.vstv.pravosudje.ba.

Projekat su finansirale Vlada Norveške i Vlada Švedske u periodu 2011. – 2016. godine, a koji je provodilo VSTV BiH u saradnji sa sudovima u BiH. Službeni kraj Projekta je 30.juni 2016. godine. Ukupna vrijednost projekta iznosi 16,2 miliona KM. Od toga je grant Vlade Norveške iznosio 9,1 miliona KM, a grant Vlade Švedske 7,1 miliona KM. Za sudove je direktno izdvojeno preko 70% od ukupne vrijednosti projekta.

Projekat je imao za cilj opšte poboljšanje efikasnosti svih sudova s posebnom pažnjom na efikasnost u procesuiranju parničnih predmeta u prvostepenim sudovima BiH. Uz uvođenje opštih poboljšanja koja su od značaja za sve sudove, Projekat je identifikovao određeni broj sudova u kojima je implementirano niz aktivnosti za unapređenje efikasnosti rada. Sudovi, partneri u ovom Projektu bili su osnovni sudovi u Zvorniku, Modriči i Prijedoru, općinski sudovi u Tuzli, Mostaru i Sarajevu.

Preuzeto sa www.pravosudje.ba

Delegacija Ustavnog suda BiH u posjetu Europskom sudu za ljudska prava

Delegacija Ustavnog suda Bosne i Hercegovine, predsjednik Ustavnog suda Bosne i Hercegovine Mirsad Ćeman, dopredsjednici Ustavnog suda BiH Mato Tadić i Zlatko M. Knežević i sutkinja Ustavnog suda BiH Valerija Galić 30. i 31. kolovoza 2016. godine borave u posjetu Europskom sudu za ljudska prava u Strasbourgu.

Posjet delegacije Ustavnog suda BiH Europskom sudu za ljudska prava dogovoren je početkom ožujka 2016. godine, ali je zbog različitih obveza realiziran tek sada.

Ustavni sud Bosne i Hercegovine od 1997. godine kontinuirano surađuje sa ustavnim, odnosno drugim najvišim nacionalnim sudovima, s Vijećem Europe, osobito sa Europskim sudom za ljudska prava i Europskim povjerenstvom za demokraciju putem prava, kao i sa Europskom konferencijom ustavnih sudova, Svjetskom konferencijom ustavnih sudova i drugim međunarodnim organizacijama, institucijama i udrugama.

Danas su se predsjednik Mirsad Ćeman i delegacija Ustavnog suda BiH susreli sa predsjednikom Europskog suda za ljudska prava Guidom Raimondijem, te sudjelovali na radionici/razmjeni iskustava sa sucima Europskog suda za ljudska prava i održali radni sastanak sa sucem Europskog suda za ljudska prava izabranim u ime BiH Farisom Vehabovićem i pravnicima Europskog suda iz Bosne i Hercegovine.

U susretu s predsjednikom Raimondijem potvrđena je dosadašnja plodotvorna suradnja dvaju sudova na zaštiti i promicanju temeljnih ljudskih prava i sloboda, te su razmijenjene ideje o unapređenju suradnje. Predsjednik Raimondi je zahvalio na posjetu i istaknuo visoku kvalitetu odluka Ustavnog suda BiH.

U okviru radionice sa sucima Europskog suda za ljudska prava razgovarano je o iskustvima u provedbi odluka Europskog suda, kao i pojedinim odlukama dvaju sudova zanimljivim sa pravnog stajališta.

U prijedodnevnom satima drugog dana posjeta Europskom sudu za ljudska prava delegacija Ustavnog suda BiH prisustvovat će jednoj od rasprava Velikog vijeća Europskog suda za ljudska prava, nakon čega je planiran povratak delegacije Suda.

Međunarodna multilateralna i bilateralna suradnja, između ostalog, jeste prostor u okviru kojeg Ustavni sud Bosne i Hercegovine promovira svoje doktrinu, iskustvo i praksu, posebice u domeni vladavine prava, zaštite i promicanja značaja poštivanja ljudskih prava i temeljnih sloboda. Na taj način Ustavni sud Bosne i Hercegovine doprinosi europskoj civilizacijskoj i pravnoj stečevini, ali se njome u isto vrijeme i inspirira.

To što nacionalni sudovi prihvaćaju sudske odluke Europskog suda za ljudska prava, kao izvannacionalnog sudbenog tijela, iznimna je činjenica koja putem razvoja odnosa između Europskog suda za ljudska prava i nacionalnih ustavnih sudova, između ostalog, rezultira uspostavom univerzalnog sustava zaštite ljudskih prava i temeljnih sloboda, te vladavine prava. U tom pogledu, uz međusobnu toleranciju, nacionalni ustavni i drugi sudovi, te Europski sud za ljudska prava uspostavljaju visoke standarde.

O Sudovi u BiH riješili preko 111.000 najstarijih predmeta u prvih šest mjeseci

Procenat realizacije plana rješavanja predmeta za period 01.01.- 31.06.2016. godine Sudovi u BiH su u prvih šest mjeseci tekuće godine riješili preko 111.000 najstarijih predmeta odnosno realizovali 60% godišnjeg plana rješavanja predmeta. Sudovi su planovima za rješavanje predmeta u 2016. godini predvidjeli riješiti 185.372 najstarijih predmeta. U prilogu je prikazan sumarni pregled realizacije planova na nivou suda, po godini iniciranja predmeta za period 01.01.- 31.06.2016. godine, a na osnovu podataka koji su bili predmet analize. Praćenje procesa rješavanja predmeta prema planovima jedna je od osnovnih aktivnosti Stalne komisije za efikasnost sudova Visokog sudskog i tužilačkog vijeća Bosne i Hercegovine. Naime, VSTV BiH je na sjednici održanoj 21. i 22. januara 2015. godine usvojio novo Uputstvo za izradu planova za rješavanje predmeta koje se počelo primjenjivati prilikom kreiranja planova za rješavanje predmeta od 2015.godinu. Glavni cilj Uputstva je rješavanje svih predmeta koji se ne završe u roku od jedne godine od dana podnošenja inicijalnog akta u sudu. Osnovna promjena u Uputstvu se odnosi na pravilo da od 2015. godine svi sudovi imaju obavezu sačiniti plan rješavanja predmeta. Zahvaljujući ovoj aktivnosti dolazi do konstantnog smanjenja broja neriješenih starih predmeta, što značajno doprinosi povećanju efikasnosti sudova, a samim tim i pravosuđa u cjelini. Od 2010. godine do danas sudovi su riješili više od 600.000 najstarijih predmeta što svakako utiče i na smanjenje ukupnog broja neriješenih predmeta u sudovima. Praćenje procesa rješavanja predmeta je započelo 2010. godine u okviru Projekta podrške pravosuđu kojeg je finansirala Evropska unija putem sredstava IPA 2009 i IPA 2010, a zatim je nastavljena u okviru Projekta unapređenja efikasnosti pravosuđa I kojeg su finansirale Vlada Norveške i Švedske i danas u okviru Projekta unapređenja efikasnosti II kojeg finansiraju Vlada Norveške i Vlada Holandije.



Britanska Ambasada
Sarajevo

